

度

支

奏

議

度支奏議目錄

雲南司八卷

題參運弁朱九臯等掛欠漕糧疏

三議酌定漕單各款罰例疏

通核輕齋漕折銀兩以棄國計疏

漕糧抵橋陸運倍艱疏

覆總漕部院料理新運疏

覆通惠河淺運阻抵壩艱難疏

河漕額需輕齋銀兩扣留抵數疏

覆總督倉場以晒場米給軍疏

覆巡漕御史及漕儲道運事蚤竣疏

覆總漕部院蚤題監兌疏

題各省直借用輕齋銀兩疏

覆巡漕御史薦撫按糧道有司疏

覆總督倉場速放通糧給新加耗疏

覆二年輕齋完數并糾怠玩有司疏

覆監兌高鏘條陳漕事疏

度支奏議卷之八

太子太保戶部尚書淄青畢自嚴視草

題叅運弁朱九臯等掛欠漕糧疏

題爲官旗盜賣漕糧事雲南清吏司案呈本月初  
二日奉本部送據坐糧廳郎中今降級戴罪管  
事丁流芳呈前事內稱前職廳呈詳泗州衛領  
幫千戶應襲朱九臯黨同旗識黃惠等盜賣漕  
糧緣繇蒙批泗州官旗侵盜漕糧動至鉅萬歲  
以爲常豈成法紀豈此輩閱不畏死乎據查朱

九臯事大可駭異該廳速行押催完納俟有起  
欠的數再報蒙此遵即一面差人緝探該衛趕  
幫船糧有無續到一面差押朱九臯將京通邊  
糧分投起米過壩隨准監督北新大軍二倉郎  
員外會提該弁開晒收糧去後今准會稱朱九  
臯領運見在京糧一萬三百二十六石九斗四  
升除收納外掛欠米三千九百五十一石五斗  
又查通糧該一萬七千九百九十五石八斗六  
升先到粟米六千五百八十三石八斗六升餘

收納外掛欠糧二千五百八十三石五斗其揭  
稱趕幫船糧一萬一千四百一十二石至今未  
到又本弁隨幫千戶陳其學押發密鎮邊糧九  
千七百石運過密雲糧二千八百八十石餘因  
屢患改入通倉米六千八百二十石止收過二  
千三百七十二石一斗八合二勺掛欠米四千  
四百四十七石以上該幫掛欠併趕幫未到者  
共欠糧二萬二千三百九十四石夫該衛共領  
運額糧四萬一百二十石七斗今掛欠如許之

多通糧託言趕幫迄今年餘船糧金無一至如以沿途盜賣則所在地方官司曾寂無知覺即使糧俱賣盡而船歸何處揆厥其原必係水次交兌時運官旗識舵工牢役共成一黨已折入私囊矣且查通漕盜糧掛欠者固多纍纍然未曾有將二十四隻船糧俱徑寂然不至掛欠過半閔不知畏如該幫之託詞支五託法作奸異常如是也事出創見令人髮指按法揆情罪所不宥第本弁各犯見在京糧廳監比職廳無可

窮追合候本部題參將朱九臯等嚴追正法  
因初十日又奉本部送據該廳呈爲查獲隱匿  
凍糧事內稱查得舊例各衛運官投文到職  
應漕糧俱得徹底清查顆粒無漏自去年虜警  
之後事權不一且各運官津通兩處躲閃即漕  
糧額數不能一一詰問舊運凍糧之局在津門  
司道俱曰告竣在本部與職廳亦知其爲必竣  
矣况津關隔越職廳即欲查核又苦鞭長不及  
今新運各官到通皆稱津門尚有凍糧職聞之



不勝詫異隨密差舍人魏尚儒暗行查訪令  
回稱查天津姚家灣地方有湖州所運官申永  
基下米四百四十石温州衛運官張問禮下米  
六百石又本衛運官管天爵下米四百石朱良  
弼下米一千石寧波衛運官朱良輔下米五百  
石露國未起各有軍人看守俱不肯明言再三  
詰問方說前情本役隨將各國米樣包封回  
等情據此看得凍糧之局已經告竣而永基等  
暗回津門不赴投文亦不申報明白今春起

之際天津不肯收運官不肯進職廳隔三百里  
外使非新運官之告稟何以懸知各弁之違玩  
及驗其米色又皆浥爛不堪且各弁躲避津門  
行提方到何物神奸將

朝廷錢穀竟泥沙置之耶伏乞速行天津務關刺運  
到壩或令晒揚進倉或令照數買補并將五弁  
嚴爲題究庶錢糧有着而奸弁知儆等因又奉  
本部送八月初七日據湖州等衛所運官申永  
基等八弁連名呈爲懇恩循例查收完糧起運

事切照甲職等崇禎二年四月奉單領運元  
分漕糧督押旗船行抵天津奉截津門凍糧三  
十三萬項下交納完倉收受兩明不期數內旗  
甲劉明進等十月行至東平等地方失風隨各  
呈鳴漕院漕道親詣驗得旗軍淹死奉有批照  
均在遵調夫役撈蒸晒淨趕幫卸回津城以抵  
海運耗米未蒙賜收切今新漕已截舊糧停回  
可虞且歷來天災大患飄流例得開豁今又用  
工撈獲勞苦萬狀例得收完免耗以完

國儲叩乞俯准批司查例咨津收受等因奉批此  
係舊歲漕糧因阻凍而留滯在後者不赴京通  
而強留津門則若輩狡詐多端貪肆無忌可知  
也東平非江海豈有失風之理又云榜出蒸  
晒之米收卸作耗尤爲不通雲南司查議速行  
通送到司奉此查得泗州衛官旗朱九臯等侵  
盜漕糧湖州等衛所運官申永基等隱匿凍糧  
均關

國計共犯

王章既經該廳具呈前來相應一體題參案呈到部  
該臣等看得漕糧關係重大其徵之爲萬姓剗  
心之肉其輸之爲六軍續命之膏一顆一粒毋  
容屑越况於瞞天播弄肆爲盜匿者乎今查泗  
州衛運官朱九臯領運額糧四萬一百二十石  
九斗除完納外其掛欠及稱趕幫未到共計二  
萬二千三百九十四石應運正額大半侵入私  
囊從來欺蠹漕糧歲亦時有未有刁証侵漁若  
斯之甚者邇自去年開幫以至于今計踰年半

而趕幫之舡二十四隻金無一至是非串同旗  
識在次交兌時之折乾必係沿途歇幫時之盜  
賣不然糧固被所侵吞舡豈亦歸烏有儻非追  
完足額明正典刑則濫觴日甚軍儲何賴焉至  
若湖州温州等衛所運官申永基等八弁領運  
漕糧雖經該廳呈報申永基張問禮管天爵朱  
良弼朱良輔五弁各開石數共計二千九百四  
十石有奇而李茂英趙天爵高明三弁尚無的  
數見行天津查核未報夫各衛所漕糧至津即

應將所運米數備報通廳以便清查起運乃申  
永基等八弁凍阻既久舡至復遲利於留津門  
而不利於入京通合黨暗囤留匿中途米色混  
爛不堪明屬侵漁插和脫非新運官知風傳報  
該廳訪踏情真幾不可究詰矣迨今事露方始  
捏報失風巧辨支吾安可信哉所當一併叅究  
追糧從重擬罪以儆將來者也伏乞

明旨勅下法司將運弁朱九臯等研究盜賣折乾之  
實并窮黨同侵匿之情設法嚴追從重問罪一

面轉行撫按將各犯變價賠補及查泗州等衛  
年來疲敝已極侵欠數多以後總漕衙門派運  
之時似當別有調停不宜拘泥舊案庶可以杜  
侵蠹亦可以肅漕規矣既經通廳具呈前來相  
應題

請恭候

命下臣部行文各該衙門一體欽遵施行

崇禎三年八月二十五日具

題本月二十九日奉



聖旨這朱九臯等掛欠漕糧至二萬餘米既無存辦亦烏有法紀蕩然著送法司嚴究追比正罪至津門凍糧報完已久如何尚有申永基等暗囤滬爛若干未經發文申報似此情弊該道廳經管各官全不綜稽徑云竣事職守在都著明白奏來該衙門知道欽此

三議酌定漕單各款罰例疏

題爲遵

旨回奏事雲南清吏司案呈七月二十二日奉本部  
送戶科抄出該本部題前事內開運官回空有  
司收糧及領運起兌過淮過洪抵壩完糧單例  
緣繇七月二十日奉

聖旨漕運關係軍國甚重歷年稽遲總縣人情積玩  
釐舊圖新正在今日這酌定單例內如違限三月  
勢必守凍悞運至此尚止降級何以示懲且領兌

開幫豈難如期應否計月立限又如折兌插種  
欠夾帶等弊作何釐剔一一確議具奏庶便刻榜  
頒示永遠遵守至沿河淤淺閘座停阻分司各官  
畫地責成怠緩的巡漕御史指名叅處不得但諉  
總河該衙門知道欽此欽遵到部送司查得本部  
條議单例奉

旨覆查確議具奏隨即呈堂劄行通糧廳將漕運一  
切折兌插和虧欠夾帶等弊一一確議條款詳  
呈去後今據通糧廳郎中降級戴罪管事丁派

芳呈覆前來相應具奏茶呈到部該臣等看得  
漕運係軍

國重務

功令關紀綱

大典有司徵糧軍衛領運各有一定限期俱宜刻意  
遵守無奈連年人心積玩以致漕事稽遲不可  
救藥幸賴

皇上巽命屢頒人心震悚此正釐舊圖新之會先是  
臣部奉

旨查議如回空到次領運起兌完兌開幫過淮過  
抵壩完糧等項各立程限各立降罰亦僅據累  
年單例聊爲闡揚申飭耳今奉

明旨覆覈并折兌插和虧欠夾帶等弊確議具奏須  
該臣等斟酌疾徐調停軒輊缺畧者補之寬緩  
者嚴之文武胥行

詔告頒布永爲遵守俾急公者得自見於

明時而闕茸者無所逃於法網庶單例彰明而漕政  
振刷矣既經該司案呈前來合應臚列上

謹恭候

命下臣部頒行各該衙門一體欽遵施行

計開

一議回空到次各幫船糧起完卽選廉能運  
官管押回空酌量道里遠近定與到次日  
期速回修驗不論山東河南江北江南浙  
江江西湖廣俱限十月下旬到次前赴本  
處督糧道投驗限單查明呈報撫按知會  
如在京通起糧稍遲者查照限單略寬

日亦不許出十一月之內如遲至十二月  
不到者降職二級正月不到者降職三級  
調衛差操如無故缺船五隻以上者與正  
月不到水次同罪

十議撥派運官漕事緊要全在運官督率以  
後總漕會同撫按官於八月內預先撥派  
明白通行知會運官於九月內早到水次  
便可迎催回空料理兌運如有延遲至十  
一月不到者降職一級十二月不到者降

職三級調衛差操

一議收糧開倉省直漕糧各督糧道催各漕司徵完收貯水次倉廩每年十月開倉逐拘山東河南江北江南浙江江西湖廣俱限十一月中旬照數徵收全完申報督糧道轉呈撫按如有司至十二月無糧者聽撫按監兌會叅罰俸一年至正月無糧者降職二級至二月無糧者革職爲民

一議起兌開幫各省直漕糧派撥各衛所運



官領兗山東河南江北江南浙江江西  
廣俱限十二月初旬領兌呈報督糧道  
監兌查覈大縣不過半月小縣不過十日  
務要通完開幫撫按具疏題

奏限自正月爲始有司不完兌軍衛不開幫違限  
一月者各罰俸一年違限二月者各降職  
二級違限三月者有司革職爲民運官降  
三級調衛差操如河南山東臨時河道東  
陸難開行者姑俟入春開凍速行

一議過淮過洪每年漕運糧船除山東河南  
不過淮洪外南直浙江江西湖廣糧船俱  
限三月初旬過淮四月初旬過洪照依舊  
例總漕總河巡漕衙門將過淮過洪日期  
并船糧細數據實

奏報如三月終不過淮者督押司道等官及領運  
把總以下各降二級四月終不過洪者一  
體察究備河渠淤淺疏築無法撈淺無人  
及開座開閉失時致有停阻不得過洪抵

灣者管河分司道廳各照信地聽總河

巡漕御史叅究

一議抵填完糧省直漕糧派各衛所領運原  
分地里遠近舊例山東都司壯直隸衛所  
限三月初一日完糧江北直隸鳳陽等處  
衛所限四月初一日完糧南京江南直隸  
衛所限五月初一日完糧浙江江西湖廣  
各衛所俱限六月初一日完糧今不拘  
船衛所悉照兗糧地方山東河南漕糧

限三月上旬江北漕糧限四月上旬江南  
漕糧限五月上旬浙江江西湖廣俱限  
月上旬務要依期盡到通灣照數全完如  
至期不到者領運把總及指揮千百戶違  
限一月以上降職二級二月以上降職三  
級調衛差操中有運官違限至四五員糧  
至四五萬石以上者把總官一例降處  
一議折乾掛欠漕運官旗但有水次折乾中  
途糶賣及插和侵欺事發有顯跡者俱以

監守自盜論千石以上坐以真正死罪  
餘失察同幫運官該管把總仍行連坐  
罪若能補完者准其減等其他抵壩起欠  
臨倉掛欠運官至五千石以上亦照前例  
科罪把總官不覺察者究罪革職其餘  
星掛欠姑照舊例叅送追賠

一議夾帶私貨漕運船隻舊例每舡運軍准  
帶土宜貨物四十石此外不得多帶若  
帶客商貨物者事發將本船運軍并附

人員叅問治罪貨物入官其把總運官不行簡舉者各降一級回衛差操

崇禎三年八月二十六日具

題九月初二日奉

聖旨這漕單各款罰例既經詳酌俱依議但法在必行人情始肅邇來申令雖嚴遵行自玩卽如今歲山東河南運期違限奉旨查覈僅憑該道支吾卸責河官徇縱若此何以示儆爾部卽將所議單例行漕河撫按各該衙門刻榜頒示嚴加振飭如有

違玩不論司道州縣運弁逐款挨查必究無赦其  
撫按容隱者該部科詳核糾叅朕但以運事遲蚤  
課効考成責有攸歸勿貽後悔該衙門知道欽此

原缺



通核輕齋漕折銀兩以襄國計疏

題爲遵

旨通核輕齋漕折銀兩以襄

國計事雲南清吏司案呈七月十三日奉本部送  
擬戶科手本爲查核輕齋銀兩以裕存留事內  
稱竊照輕齋一項奏明以三分隨糧使用以七  
分存貯太倉屢准本部印結或脚價修船置袋  
葺閘等項俱係漕運緊關時刻難緩本科雖再  
駁查然隨即當面印發杜塞書役需索之弊且

恐有悞糧運也不知此銀動用曾經奏明否近  
見本部一本爲酌議雲鎮募造銀兩等事奉

聖旨輕齋漕折尚未通核則此銀似不得輕爲動用  
更不知見今貯庫之銀止存留七分之數乎抑  
合三分隨運之數乎現今續領之銀止動隨糧  
三分之數乎抑支及七分存庫之數乎細查收  
支數目所支者將及所收之半錢糧關係最大  
儻不預爲申明一旦支銷罄盡有拂

聖旨後來何以究結抑又誰執其咎也等因到部奏

批雲南司查議回覆奉此查得輕齋銀兩係漕  
運完糧急需向因各役透支過多省直解京零  
寥該戶科條陳以三分隨糧使用以七分存貯  
太倉已經通行去訖邇來省直糧道有以沿途  
無所支用已盡數領解太倉者亦有沿途水淺  
起剝動支應用銷筭者除通行完糧外間有餘  
剩即充米折之用即如今春河干凍糧偶值戎  
馬生郊水陸並運腳價倍費一切應給腳價并  
修艤置袋等項銀兩勢在必需所用銀兩例應

一年一次銷筭

奏繳今奉有輕齋漕折尚未通核之

明旨除移咨總漕部院亟查天啓六七年崇禎元二  
年各道府州縣漕糧原額若干額該輕齋銀若干  
千內應扣船料旱脚車盤河工等銀各若干應  
解太倉銀庫若干已完若干未完若干俱要  
併星速查明備開過部以便清筭通核去後遵  
查輕齋銀兩湖廣額銀三萬九千一百六十九  
兩七分八釐浙江額銀一十一萬六百六十九

兩五錢江西額銀七萬五千六百九十五兩山  
東額銀一萬七千八百六十九兩六錢河南額  
銀一萬七千八十五兩應天府額銀一萬三千  
七百二十八兩零蘇州府額銀七萬四千五百  
六十二兩七錢七分二釐四毫松江府額銀二  
萬七千五百四兩八錢二分五釐常州府額銀  
二萬三千三百六十二兩五錢鎮江府額銀一  
萬九百七十七兩零廬州府額銀一千三百五  
十六兩六分四釐三毫鳳陽府額銀三千八百

六十八兩七錢八分淮安府額銀三千七百一

十六兩五錢七釐揚州府額銀八千二百四十

七兩五錢五分零安慶府額銀八千一十兩零

國府額銀四千五十兩池州府額銀三千三百

四十六兩二錢五分太平府額銀二千二百九

十五兩徐州額銀一千六百八十九兩五錢七

分以上通共該歲解額銀四十四萬七千二百

九十五兩九錢七分六釐零內自改入太倉以

來本年三月內本部覆總漕部院李待問具題

查明完欠數目內將未完一分者例應住俸督  
催銀完開復未完二分三分者例應降俸二級  
姑比照未完一分之例住俸督催欠四分至七  
分者例應降職二級赴部調用姑比照未完二  
三分之例降俸二級戴罪督催欠八分九分及  
全未完者例應革職爲民姑比照未完四五分  
之例降職二級戴罪督催以上住俸降俸降級  
各俱展限三箇月扣至六月下旬爲滿盡數全  
完聽總漕部院具題准與開復業已奉

旨通行欽遵在卷今查至本年八月十五日止解完  
天啓六年分則有江西銀六千四百一十二兩  
五分四釐南直鎮江府銀二千八百一十六兩  
三錢浙江嘉興府銀一千七百兩山東銀八百  
三十六兩七錢五分解完七年分則有湖廣銀  
一千五百一十兩三錢七分七釐浙江銀一百  
三十六兩四分五釐江西銀二千四百六十三  
兩八錢一分一釐河南銀三百七十五兩六錢  
五分二釐南直應天府七千八百三十一兩七



錢一分三釐蘇州府銀七千八百兩解完崇禎  
元年分則有湖廣銀六千七百七十八兩八錢  
一分六釐二毫江西銀六萬六千九百七十八  
兩二錢四分七釐浙江銀七萬七千九百六兩  
六錢南直蘇州府銀三萬五百兩六錢二分九  
釐常州府銀二萬一千一百三十二兩九錢二  
分八釐寧太等府銀一萬一千九百四十七兩  
八錢八分三釐六毫徐鳳等府州銀三千三百  
六十八兩八分二釐二毫零解完二年分則有

湖廣銀二萬六千一十八兩五錢六分八釐  
西銀六萬七千七百九十九兩四錢八分二釐  
河南銀一萬七千八十五兩山東銀一萬七千  
八百六十九兩六錢浙江銀三萬九百九十五  
兩一錢六分四釐南直蘇州府銀二萬二千一  
兩八錢二分零松江府銀二萬四千八百四十  
四兩九分二釐常州府銀二萬一千四百二十  
九兩二錢鎮江府銀九千八百八十兩二錢六  
分四釐寧國府銀二千六百十兩池州府銀二

千一百八十七兩五錢安慶府銀五千二百四  
十兩一錢九分淮安府銀三千一百一十九兩  
三錢七分六釐廬州府銀八百七十九兩二錢  
四分零揚鳳徐等府州銀一萬二千四百六十  
五兩四錢一分零安池寧太等府銀四千七百  
二十六兩九錢一分零三年分河南銀六千五  
百四十八兩九錢四分六釐南直淮安府銀五  
十六兩六錢二分零以上通共查收過輕齋銀  
五十二萬五千九百五十三兩一錢九分九釐

又收雜項助運板木追賠折米綱私話會等

四千五百八十七兩八錢四分通共收銀五十

三萬五百四十一兩三分九釐內給春間凍糧

陸運腳價銀三萬一千四百四十三兩八錢四

分六釐津運腳價銀四萬一千五百三十九兩

五錢各倉晒揚抗糧倒囤銀九千五十九兩

錢二分造船修艙置口袋并今新運腳價銀

萬四千三百五十六兩六錢五分水運腳價

四萬九千一十三兩六錢一分工部修理隔

料價銀八千六百四十五兩七錢一分五釐  
軍興犒賞銀一萬兩以上通共用過銀二十二  
萬四千五十八兩八錢四分外該見存銀三十  
萬六千四百八十二兩一錢九分九釐零至各  
省直未完輕齋銀兩今據總漕冊開各州縣有  
已完而銀解貯司府官庫僅贖解者有委官具  
在起解途次而刻期可到京者俱應作完數外  
今查天啓六年分未完則江西欠銀二千七百  
二十八兩三錢八分一釐零河南欠銀五百七

兩三錢一分一釐零南直應天府欠銀一千二  
百三十四兩二錢二分九釐蘇州府欠銀三千  
二百一十七兩六錢六分零常州府欠銀九千  
七百六兩二錢五分九釐零淮安府欠銀四百  
六十四兩七錢四分七釐零天啓七年分未完  
則湖廣欠銀二千一百三十三兩六錢五分一  
釐零江西欠銀五百八十三兩一錢一分六釐  
應天府欠銀三千一百九十八兩四錢六分七  
釐蘇州府欠銀三萬五千九百八十一兩三錢

七分一釐常州府欠銀四千九百六十兩二錢  
七分一釐淮安府欠銀九百一十三兩一錢二  
分零徐州欠銀五百三十九兩五錢七分六釐  
崇禎元年分未完則湖廣欠銀二千三百六十  
兩六錢六分七釐零南直應天府欠銀一千八  
十六兩六錢五分五釐蘇州府欠銀三萬五千  
七百三兩一錢八釐松江府欠銀二千三百八  
十七兩六錢六分九釐常州府欠銀三百九十  
二兩五錢二分鳳陽府欠銀二十七兩七錢六

分五釐零淮安府欠銀一百五十四兩寧國府  
欠銀一百五十兩崇禎二年分未完則湖廣欠  
銀一千五百三十四兩零南直應天府欠銀五  
百七十五兩五錢七分一釐以上通共未完銀  
一十一萬五百四十兩一錢二分四釐零及查  
漕折銀兩湖廣歲額銀二萬六千四百一十四  
兩二錢九分山東歲額銀五萬一千四百五十  
五兩一錢三分四釐河南歲額銀五萬二千兩  
南直蘇州府歲額銀七萬三千九百三兩一錢



八分三釐鳳陽府歲額銀四千二百八十五兩  
一錢五分淮安府歲額銀七千三百五十兩揚  
州府歲額銀一萬兩以上通共額銀二十二萬  
五千四百七兩七錢五分七釐天啓六年分湖  
廣已完銀一萬三百九十九兩七錢四分二釐  
未完銀一萬六千一十四兩五錢四分八釐河  
南山東南直蘇州鳳陽淮安揚州等府俱已全  
完天啓七年分湖廣已完銀二萬三千九百六  
十九兩七錢三分未完銀二千四百四十四兩

五錢六分河南已完銀五萬一千四百五兩  
錢六分未完銀五百九十四兩二錢四分山東  
已完銀五萬一千三百一十七兩七錢五分五  
釐未完銀一百三十七兩三錢七分八釐南直  
各府俱已全完崇禎元年分湖廣已完銀二萬  
二百八十三兩八錢七分三釐八毫未完銀六  
千一百三十兩四錢一分六釐二毫河南已完  
五萬三千三十一兩五錢六分未完銀一千六  
百六十八兩四錢四分山東全完南直蘇州海

已完銀六萬四千七百五十八兩八錢七分三釐未完銀九千一百四十四兩三錢一分其餘各府俱已全完崇禎二年分湖廣全完河南已完銀四萬八百四兩二錢二分未完銀一萬一千一百九十五兩七錢八分山東已完銀二萬三千一百四十一兩九錢一分未完銀二萬八千三百一十三兩二錢二分南直蘇州府已完銀三萬二千九百三兩一錢八分二釐四毫未完銀四萬兩淮安府舊額全完新題睢寧縣折

銀二百三十一兩未解揚州府全完鳳陽府全  
欠除已完外未完銀共一十二萬一百五十九  
兩四分二釐相應與輕齋收放數目一併具奏  
案呈到部該臣等看得輕齋銀兩原屬漕糧轉  
運之急需漕折銀兩原屬京軍米折之支用錢  
糧各有項欸度支俱有常經今查各省直隨糧  
徵解輕齋總額共計四十四萬七千二百九十九  
五兩九錢七分零自二月內收入太倉銀庫收  
起至今八月十五日止通共收過各省直陸續

解完天啓六七崇禎元二等年分輕齋助運等  
銀五十三萬五百四十一兩三分九釐零內給  
春開水陸并運凍糧腳價并今新糧盤運腳價  
及犒賞等銀通共發過二十二萬四千五十八  
兩八錢四分外尚存銀三十萬六千四百八十  
二兩一錢九分零此係劄收劄發之數也至未  
完輕齋銀一十一萬五百四十兩一錢二分四  
釐除總漕冊開各有司將徵完解貯司府官庫  
顯解者並差委押解至途刻期解到者俱應作

完數外其未完者原限六月下旬通完今又逾  
期合無展限十月下旬解完及查未完漕折銀  
兩一十二萬一百五十九兩四分二釐亦應與  
漕糧併完合無統行總漕及各該撫按上緊督  
催完納仍查明州縣職名有仍前拖延者即行  
照例查叅降罰激鬪葺者以自新之路有違  
欽限而無欠者移咨吏部甄別紀錄旌急公者以登  
進之途庶

功令肅賞罰明而

國計軍儲兩攸賴矣既經該科移會前來即應遵  
旨具奏恭候

命下臣部行文各該衙門一體欽遵施行

崇禎三年八月二十七日具

題九月初二日奉

聖旨這輕齋漕折銀兩完欠用存數目知道了未完  
的行總漕及各撫按勒限催解爾部亦當體念國  
計空虛民力因憊務宜贏餘以圖可繼毋但隨  
到隨發有同漏卮欽此

漕糧抵橋陸運倍艱疏

題爲漕糧抵橋陸運倍艱曲設飛輓之法轉運  
務之窮事臣惟軍

國之大計無過于漕糧其自抵務關而后則省  
部司屬事矣過關過壩迄入六倉而后

國儲以充運務以竣乃其間必繇大通橋轉水  
爲陸輓則又關壩之藉徑而六倉之咽喉也  
畜之力已艱于舟楫而一阻陰雨泥濘再日  
行又不啻轉艱焉臣是以總總慮之每與大



橋監督主事王忠孝議今迷運幾爲切  
催督恨不能運無遺刻橋無遺粒而後即  
又代爲計欲募車騾須急脚價懼重累此  
之車戶不能應急而又慮

國家值捉襟露肘之時未敢博敦大之名而  
支之害參酌情理量度緩急除先發脚價  
千兩外其新價應與者又發給六千兩舊價  
找者又量給三千兩臣之恤車戶急車運者  
既周且至矣昨二十日臣與本部總督倉場

青錢春約會于大通橋見積米未運進倉者  
五萬餘石此原以先有壓袋後復阻雨漸積  
壅勢固然乎而臣則不勝惴惴懼也固而委  
設法急諭主事王忠孝勸勉白糧車戶暫爲  
遲隨據王忠孝呈稱稟爲僭運糧儲事蒙堂  
白糧車戶幫運令職派定回覆蒙此隨傳白  
車戶三十九名照依軍糧十三號派定每號  
人運米三百石每日共運米三千九百石其  
價東倉除南新祿米二倉里道較近照依

一釐給發外其餘倉每石酌加四釐

頗遠每石二分七釐外酌加一分量其多寡  
加濡沫等因到臣隨批云昨云白糧車戶每  
運米五千石今又減而三千九百石者何也  
能如數運米亦不嫌少脚價量增如議似不行  
混在軍糧之內務須登記明白則雖名爲幫運  
而實各自美帳可耳准予庫先發銀五百兩  
俟有頭續再發據稱纔行顧募猶是遊移推諉  
之語着即于二十三日運如違解究隨該

戶已于本日領銀五百兩照數起運矣臣仍恐積米數多運完于易又于法外設法帖諭寶泉局監督員外米世登齊集本局爐頭九十八家勸勉暫爲帮運隨據寶泉局呈稱爲協運軍糧事蒙本部諭取爐頭運糧緣繇奉此該職即諭爐頭急公帮運務期將壅積米與白糧車戶各運一半職隨發局錢一十三萬文值銀二百兩令雇車四百輛轉運前米現今南派爐頭魯陳樾等報稱已雇車頭王舟名下車二百輛北派

爐頭王應麟等報稱已雇車頭王魁名下車三  
百輛批有合同隨橋幫運等因到臣隨批如議  
協同速運疏通即止後不爲例而各爐頭見臣  
勉以忠義慰其勤苦運價照白米車戶加給亦  
莫不人人感奮以輸其自効之忱計壓積之米  
雖有五萬餘石而借此兩番幫運料可計日進  
倉廩幾免風雨之浸濕河干之耗竊矣夫白糧  
與軍糧異任銅務與漕務異局臣豈不知白糧  
車戶非其應運之糧爐頭併非其應運之人而

時處其難旋轉疏遲以曲濟一時之急期以仰  
懇

皇上焦勞備盡臣等職分苦心爲殫綿力爲枯固不  
得常格之拘拘矣臣無任悚息待

命之至

崇禎三年八月二十七日具

題九月初一日奉

聖旨據報發過車脚銀數併白糧車戶錢局爐頭隨  
橋幫運知道了務期速僨入倉不得停滯欽此

覆總漕部院料理新運疏

題爲舊漕計日得完新漕急需料理謹備陳切要  
事宜以復單限事雲南清吏司案呈八月初十  
日奉本部送戶科抄出總漕部院李待問題前  
事奉

聖旨這條列諸款有裨新運着該部卽與酌覆補造  
燬舡奉旨已久如何尚稱無價別請設處豈不悞  
事各道派行未報的李待問指名奏來南工部着  
自行回奏還立限與他該部知道欽此欽遵到部

送司除造舡料價已經呈堂咨行總漕并南  
部限九月初旬日自行回

奏外其條議新運諸款相應具覆案呈到部該臣  
等看得漕事積遲上厯

虜慮嚴旨申飭惰氣頓新在漕運諸臣亦既婢織奴  
耕其秉急公之念宵營且作力爲挽速之圖矣  
顧事在爭時動必早計如日失一晷卽乏一日  
之事一日者一晷之積也月遲一日卽乏一月  
之事一月者又一日之積也着着緊嚴事事應



手則于今歲之中預爲來歲之計度單限可  
而

宸慮可紓所以總漕部臣總計之直揭早之一字  
列爲七款誠老成憂

國之深慮也除造舡料價臣部遵奉

明旨咨行彼處并南工部限九月初旬自行回

奏外謹就所列新運事宜一一詳酌具覆恭候

聖裁其一曰早題漕差夫漕差秋題而糧米冬兌理  
勢然也緊急工夫全在寒冬數月誠有如總臣

所云者漕臣必冬初受事而後于兌務尅期  
去年之九月題差猶覺緩也伏乞

皇上勅下該院辰下速爲具題庶差早而漕亦早矣  
其一日早題監兌夫監兌與漕差相爲表裡漕  
差蚤而兌差容獨緩乎總臣所云一歲了一運  
之事痛痒自關首尾自貫兌臣押運到淮便當  
料理復

命不當又復回任誠有見也然新運交代當在初冬  
而舊兌押准必在初夏相距尚遙將坐淮而往

代乎且所云了一運之事者必漕米與見徵糧  
徵之銀俱完足無欠而後可云了也初夏押漕  
漕米完耳銀固未必完也而兌臣竟不回任此  
銀當遂責之糧道耶或尚湏兌臣之料理耶至  
新兌自應八月早題新兌抵任而舊兌復

命則總臣所云一歲了一運之事者此也其一日  
定遠米數目夫往歲遠米冬月題行此積遲然  
耳今務冬兌計必秋題益數目一定而小民之  
預辦有司之催徵准諸此也至派截漕糧先該

臣部業已題

請預定輪撥永杜觀望無庸再議矣其一曰早回空  
夫今歲之回空卽來歲之新運如後浪之催前  
浪總此水也今者挽遲爲速計交卸已近二百  
萬回空過關計數必多其餘亦不過月日計耳  
雇覓民舡地方擾累煌煌

明旨速僭回空誰敢泄泄從事者乎時日漸迫責備  
河官步步嚴督卽在通廳務關亦不得以回空  
剝運庶源源去而源源來也其一曰蚤發單

發單總臣事也而職名不到單於何派總臣備  
米數以待職名而道臣列職名以聽單派事之  
相成萬不可緩蚤派一月即可料理一月遲到  
一日遂爾遲派一日所爭緩急不容髮也道臣  
延緩總臣指泰所以整制漕規而歸之蚤耳其  
一曰蚤徵米夫開徵必在孟冬之朔日通天下  
皆然而總漕之意止慮威當輯瑞有司急於鉅  
擔悞漕事也而責之司李慮固深矣蓋李官例  
不入

觀而以之約束州縣期無卸擔或開免而後行  
倉而就道以道里遠近爲差中有捏報亦李官  
任之此以一切法繩州縣繩李官使不得不就  
於繩而要之蚤者也其一曰蚤催運官夫運官  
之延不赴次其故何也蓋汎舟之役名曰浮家  
託

國糈於一葉寄生事於洪濤亦人情所最憚者然  
而啖吞肥甲戀印戀差種種不法沿習已久  
輩行徑不可方物以後合如總臣之議於發

後取水次道臣收管報後不行衛官重處其罪  
後無米則該道任咎至在京各衛屬京府李道  
之責所宜一一申明者也其一曰蚤完行月糧  
夫行月糧隨糧起運者也向也遲遲而行月糧  
亦與之俱遲今也遲速而行月糧尤當爲之加  
速有司未嘗不留意而所尤急在京邊在遼米  
先後之間急在彼而緩在此其勢然耳合無二  
併責成解府而後入計亦於早遲有攸當矣臣  
於早僉旗甲蚤修空舡與歷次查驗分投督辦

總漕部臣自饒爲之無庸臣贅以上諸款務  
設誠致行則來歲漕運自可修復單限而歲歲  
如是則軍儲自充然有餘裕而

國家之利賴正不淺矣伏候

勅下臣部行令各該衙門遵奉施行

崇禎三年八月二十九日具題九月初三日奉

聖旨漕運原有限單祇因事不早計開兌一遲諸務  
皆誤這新運事宜既經酌議着卽推巡漕御史及  
監兌司官作速料理并咨各該衙門着實行欽此



覆通惠河淺運阻抵壩艱難疏

題爲恭報備運糧儲事雲南等清吏司案呈奉  
部送戶工二科抄出總督倉場尚書孫居相題  
據坐糧廳郎中降三級戴罪管事丁流芳呈報  
七月十八日起至二十二日止五日內運過糧  
數等因七月二十六日奉

聖旨這五日內運過糧數知道了據報水淺運壅抵  
壩艱難該管河官何故不預行挑濬即着星速督  
率疏挖并著戶工二部堂上官查明奏來欽此欽

遵抄出到部行查閱該工部署部事左侍郎  
啓南題同前事內乞

天語申飭務令通惠河道并戶部差官同心共濟  
襄糧運等因八月初八日奉

聖旨董中行職司河道不預行挑濬以利漕疑輒以  
天旱船大爲辭著再查明水深若干壅船果否正  
廣重載與戶部堂上官合奏來欽此欽遵抄出到  
部送司遵即呈堂復查去後今准工部咨據通  
惠河道郎中戴罪管事董中行呈稱職所轄河

道自通至津綿延三百餘里此河不但流沙  
常亦復建甌直瀉計淺處五十有九除不淺不  
窞外其在關下挑濬者如三里屯十百戶王家  
務火燒屯磚廠堅子窩桃園朱家莊老米店溝  
溝共十處淺者窞至七捺以上無悞也在關上  
挑濬者如木廠蔣家灣寇家灣紅廟狼兒窩舒  
鷄淺撇營口蕭家林李家淺白阜園榆林上淺  
馬房淺蘆家林共十四處淺者窞者六捺以上  
無悞也在張家灣北挑濬者如花板石南營湖

林李家莊郝家甫楊家坨共六處淺者必  
捺以上無悞也奉

旨以來已及半月秋深風起盈河之水盡已涸去  
尺五寸有奇然職於舊七捺者必令其寬至  
捺舊六捺五捺者必令寬至五捺大約毋船  
百石以外剥船一百五十石以外保其通行  
阻有阻則治職之罪無貫可終無誤也而寬  
之法本淺夫少則調不淺之夫合力協濟  
力微則於刮板之外新造刮床俾各棧道

多製爲力易而見功速淺夫勤敏者職約已新  
躬犒賞無倦工食遲者不忍令其枵腹受事斯  
借正項錢糧給之徐俟解補亦嘔盡心血矣若  
江廣重載現在途者如南昌九江饒州建昌撫  
州等衛諸幫皆江西重船也如黃州荊州武昌  
德安岳州等衛諸幫皆湖廣重船也間有杭州  
溫州衛係浙江幫而體勢運載亦不減江廣從  
無輕者職謹別務關上下河形半月以來水勢  
以復水深若干之

百又查船隻之江廣多而他省少以復果否重  
旨呈乞據實回

奏等因到部送司奉此案照水淺舡重復奉查明  
合奏之

旨隨咨戶部并劄董郎中備查仍差營繕所副使  
大成着驗去後據查原淺五十九處除不淺不  
吃者無論外其實實督吃者三十處關下水  
七捺關上六捺張灣以上可五捺漕艘苟非  
重水勢亦可通行其膠阻之船如廣信袁州

安荊州黃州九江南昌所載盡重舡目今欲  
毋船盡發起因以便回空隨即剝船發運以  
不悞漕事似亦通融之法合將前項緣繇移  
戶部以便合疏具題等因又奉本部送准總  
倉場尚書錢春咨爲運務殷繁等事內稱准  
部咨前事隨經劄行管河董中行將淺阻壅滯  
情形明白開報去後續據該司呈稱職自留差  
以來無日不在河干督濬疊奉

嚴旨之後益務星夜竭蹶自十三日親隨台臺挑

催備者除江廣極重大船必須盡剝以外其別幫諸舡十四日盡催過務關以上十五日盡催過紅廟以上皆武清縣界十六日盡過搬營口係香河縣界十七日盡催過白草及灤縣馬頭十八日盡過馬房淺即入通州十九日過里二泗二十日盡抵張灣從此三日可啣尾頂幫自壩而南自灣而北勢之稍行者俱萬無淺阻虞矣惟是務關以上紅廟以下友江廣極大重船共八百七十一隻據各衙



稟自稱體骨重大雖使起空亦艱前進昨本  
部行河目擊紮蒙具題起回見在候

旨非職人力所及也再照今歲漕船七八千艘止此  
江廣重船萬難強全其餘一無梗塞而職向來  
所挖者夏秋之間關下淺處以七捺爲率共挖  
淺十處關上以六捺爲率共挖淺十四處張灣  
以上以五捺外爲率共挖淺六處今秋水正涸  
挖力愈艱而比向挖捺數亦俱彷彿僅差一捺  
半捺之間耳各船從無半刻之淹入更後亦徹

夜邪許不絕職雖驚鈍敢斬一手一足之烈不  
爲

朝廷副急漕之盛心等因據此看得漕河一漸之流  
畚鍤之力時不可輟據呈今秋水涸空力愈艱  
比向來差一捺半捺之間則體式重大之船自  
難望其抵壩昨本部乘小艇直抵務開量度水  
勢又見日消日落已有露國之議即江廣之船  
向南直下可免於壅滯也相應咨覆煩爲查照

回

奏等因到部又據坐糧廳郎中降三級戴罪管事  
丁流芳河西務主事降三級戴罪管事劉孔敬  
呈稱剝運河道近值秋深水涸計深止二尺許  
最淺者係王家樓蕭家林皇木廠郝家甫一帶  
雖工差嚴率挑挖而無柰流沙隨疏隨淤兼之  
南來舡糧除山東河南舡糧輕便力可直抵其  
餘南直淮揚應天浙省之舡重者八九百石即  
輕亦不下六七百石即撥條河二剝分載終屬  
舡大抵壩艱難若江廣重艘猶多在尾幫今除

截津其餘方在載運入關至如工部所謂工  
任它戶差任剝職等雖極駑駘敢弗協裏矢力  
盡瘁馳驅今盡關通舡隻俱已盡力剝運又數  
外見募民舡二百餘隻以濟剝運之窮近又傳  
催通漕各幫有力能越次先行者許其拔幫前  
進以期大小毋滯職等之嘔心區畫設法通融  
蓋已拮据無遺矣等因通送到司既經查明亟  
應會同合奏案呈到部該臣等會同工部左侍  
郎程啓南等看得漕艘抵壩一憑水力而疏通

漕脈又憑人力人力到則水力深所以空淺  
工曹剝淺責戶曹如典衣典冠之分職而空  
以濟剝剝亦以濟空如呼耶呼許之相成頃  
聖明慮切

國儲挽遲爲速一時在漕戶工諸臣如通廳丁流  
芳管河董中行務闕劉孔敬莫不晝夜駐宿河  
干同心并力竭智盡誠遇淺即挑遇重即剝亦  
既不遺餘力而讓能矣顧猶未見飛輓之效而  
殊不免丘山之罪者總以秋高水涸江廣浙道

諸處舨艘體勢枵然噬水甚深而抵擱甚  
工兩部司屬今俱戴罪供職良以此也茲因  
臣有水淺運壅之報煌煌

明旨命臣等查水深若干壅舨果否江廣重載是  
聖明洞啓固已無隱不燭無微弗屆漕事之情形請  
臣之勤情盡不

日照月臨中矣臣等悉心會查敢有一字虛飾查得  
漕河五十九淺其窄者遠近淺深不等自七捺  
六捺以至五捺既調不淺之夫佐淺石之力

又製刮床之式佐刮板之力番錘俱奮遠近借  
作此工曹之肆力於河干者也通關兩地條河  
剝舡八百餘隻加以白剝共計千餘極力協剝  
而又多募民舡二百有餘以濟其乏逐節分催  
親督拽送以速其進此戶臣之肆力於運務者  
也關上關下星夜儻行毋舡剝舡鱗次速發固  
已全幫啣尾而來並無一艘停撓而待者矣惟  
是江廣等舡體質重大載糧數近千石雖經盡  
剝亦不能行浙直等船有至六七百石者加以

二剥三剥止存二百石上下仍可抵壩而剥也  
所載止一百五六十石則尚可通行而無滯也  
從來一母二剥三船抵壩而今不能則以天旱  
水涸地多流沙之故雖人力不能與天時地利  
爭勝耳今通務二司官業已萃集官民船隻極  
力剥運江廣及浙直重舡近經督臣錢春題議  
俱令露囤以速回空以埃剥運每日若無雨阻  
進米必在三萬內外則河流不苦阻滯剥運不  
普淹緩而戶工二部司屬見在戴罪降級或亦



可以惠徼寬政矣臣等恭體

聖懷仍行嚴督催償務令司空淺者殫心空淺不得以空過輟工司剥運者竭力剥運不得以剥數泥格龜勉同心恪恭盡職俾漕事如血脉之流通而

聖懷無根本之顧慮斯臣等所藉手以彰協恭之誼而斬免罪訾於萬一者也既經工部督部移咨及通關會呈前來臣等會查無異相應具奏恭候

命下臣部行文各該衙門一體欽遵施行

崇禎三年九月初二日具

題本月初八日奉

聖旨攬奏糧舡阻滯皆因載重水涸若肯先期挑濬  
設法停蓄自當利濟董中行如何漫不留心念既  
戴罪竭力挑挖姑免究露國作速償運依限報完  
欽此

河漕額需輕齋銀兩扣留抵數疏

題爲條陳輕齋事宜以杜弊竇以足

國計事雲南清吏司案呈奉本部送准總漕部院  
李待問咨前事內據淮安府申蒙本部院憲牌  
照得各省直輕齋銀兩節年俱解淮安府收兌  
內中額有河工旱脚舡料車盤等項該府照數  
扣除支用其餘造冊委官發標解京此舊例也  
今該部科具題議覆各省直銀兩以三分付押  
運糧道帶解以七分彼處委官徑解是前項銀

兩盡入太倉可免淮上一番轉折耽延事屬極便但銀不經淮而前項河工等銀無從扣除若遠索之省直彼必視爲緩局未免發解愆期何能濟用前該本部院詳批該府酌議去後未據回報事干錢糧合再行議牌仰本府卽查某省直某府州每年額該河工旱脚舡料車盤等項各銀若干共計銀若干是否一定數目應作何項支用今各省直銀兩既不經淮或議於廬鳳淮揚四府輕齎銀內照數扣存抵補前項是否

妥便文到逐一查明具詳前來以憑咨部施行  
等因蒙此查得河工例出浙江湖廣江西三省  
應安池太寧國蘇松常鎮廬鳳淮揚徐直隸府  
屬州縣每年照依正兌漕糧數目每石扣銀一  
分各該不等共該河工銀二萬六千五十一兩  
五錢七分七釐六毫五絲遇有災傷照折遞減  
杭嘉湖三府輕齋銀內額扣舡料旱脚銀七千  
四百九十三兩三錢八分九釐又於江浙二省  
扣車盤銀一千兩以上三項共該銀三萬四千

五百四十四兩九錢六分八釐六毫六絲俱未  
各省府解准三六二六輕齋銀內它扣河工車  
盤與同舡料旱脚先年一總扣收漕庫聽支近  
奉明文以河工車盤給發山陽縣庫收貯專聽  
總河部院明文項下支銷舡料旱脚收貯漕庫  
支給各衛所修舡并料價應用每年皆係一定  
應扣之數歷年遵照它扣無異邇因部科題奉  
欽依將輕齋三七分解將三分糧道沿途支用七分  
差官徑解太倉自崇禎二年已經遵行間有一

二州縣銀數零星仍解淮兌收轉解今各處  
齋既已徑解則前項應扣河工等項乃濬河修  
舡急需荷蒙本部院洞鑒尤恐各省自爲緩

局不肯早解或有併解進京者此銀不在題叅  
之列任意拖延將來何所濟用今蒙憲檄諭查  
廬鳳淮揚四府輕齋銀內扣存抵補是亦通便  
之計第查江北廬鳳淮揚徐五府州通共額該  
輕齋藉易河工銀二萬一千二百五十六兩九  
錢八分七釐七毫六忽五微較比前項三款額

數尚少一萬三千二百八十七兩九錢八分九  
毫四絲三忽五微不足以完其數再查應天府  
屬額該輕齋等銀一萬三千七百二十八兩合  
無于內挖扣銀一萬三千二百八十七兩九錢  
八分九毫四絲三忽五微與同廬鳳淮揚徐共  
合前項額扣河工車盤舡料旱脚之數似屬妥  
便相應呈請令無請乞本部院裁酌咨部自崇  
禎三年爲始行令江北廬鳳淮揚徐五府州所  
屬額徵輕齋葦易河工等項銀二萬一千二



百五十六兩九錢八分七釐七毫六忽五微  
天府屬額銀一萬三千七百二十八兩俱預  
徵完解淮前赴本部院掛號發府查收以充河  
工車盤舡料旱脚支用應天府仍餘銀四百四  
十兩一分九釐五絲六忽五微附搭各省府縣  
齋顛解其浙湖江安池太寧國蘇松常鎮各省  
府應解淮河工車盤舡料旱脚銀兩行令不必  
解淮徑行抵補廬鳳淮揚徐五府州及應天府  
屬輕齋之數一併解赴太倉交納等因據此爲

照河工車盤乃河道項下築堤修河舡料早  
乃漕運項下修造漕舡俱額需也舊例于省直  
輕齋解淮之日淮安照數扣貯聽備支用河道  
者繇總河銷筭惟舡料早脚七千餘兩專供各  
衛修造毋不敷用一遇新運緊急多方郡借該  
府之詳文纍纍可按也今輕齋分三七付糧道  
徑解矣省直之銀到淮本部院嚴催起程時刻  
不容停緩若再令其赴淮庫逐項查扣而轉文  
造冊未允耽延欲另摘出扣解祇恐各屬以

項錢糧分兩處投解深屬不便而此銀無參罰  
考成之例日久因循又竟作痛癢不關之欠帳  
矣河漕將何賴乎今該府酌議以江北四府及  
徐州輕齋銀照原數扣抵有不敷者以應天銀  
湊足其各處應解河工等銀盡令總解太倉以  
補扣過五府一州輕齋之數省直淮府俱免轉  
折查扣之繁兩獲實濟事極妥便咨煩查照酌  
明施行等因到部奉批此事關係頗重建議亦  
佳仍當具題奉此查得各該省直輕齋銀兩新

例俱已盡解太倉但此銀內有應扣解淮庫  
工舡料旱脚車盤銀三萬四千五百四十四兩  
九錢六分八釐今議以江北廬鳳淮揚四府并  
徐州及應天府應解輕齋銀內扣留抵兌河工  
舡料等項銀兩其各省直府屬應扣河工等銀  
遵依新例盡令總解太倉互相扣留抵兌似爲  
妥便既經咨會前來相應題

請案呈到部該臣等看得輕齋隨漕原應盡數解  
但內有河工車盤屬之總河爲修築河堤之用

船料旱脚屬之總漕爲修造漕艘之用皆額  
也舊例於省直輕齎到淮之日聽淮貯庫徐  
起解而新例責成糧道盡解太倉既免耽延又  
省轉折所以一事權而求直截也此一便也銀  
不經淮而前項額需又不可缺若遠索之省直  
如挹西江之水將爲緩局而總臣酌議徑以廣  
鳳淮揚徐五府州輕齎盡數與淮不足則以應  
天輕齎補之期足三萬四千五百四十四兩九  
錢六分八釐六毫六絲之額則於數近符而

淮最邇可謂不外索而得矣淮額既足其省  
應解河工等銀盡數總入京倉以補五府一州  
應齋之數不惟淮邵免查扣之煩而省直亦省  
轉折之苦所以妙轉移而速輸輓也又一便也  
今年二月科臣解學龍有條陳輕齋事宜之疏  
議于內定三七分以三分付糧道帶解以七分  
委官徑解是以一項錢糧分爲兩解臣部近奉  
明旨輕齋原係隨漕今漕務已槩責糧道豈輕齋  
有另屬前旨甚明不必曲解欽此合當槩責糧

何必多一委官臣愚以爲欲一事權必盡遺權  
道一併解京其三分之內若非撥淺急需亦不  
許沿途輕費所以圖實濟而充

國用也又一便也臣又竊意河工銀二萬六千五  
十餘兩專供疏濬河道之用舡料七千四百餘  
兩專供各衛修造漕船之用但淮廠打造淺舡  
方苦工料不足而此二項金錢自濬河修舡之  
外或未必一無存剩也倘前二項稍有贏餘即  
令漕河二督臣悉心查核併濟打造淺舡之用

則銖黍亦可千百矣是臣愚所幾幸而不敢  
者耳既經總漕部臣各議前來相應題

請恭候

命下臣部行文各該衙門一體欽遵施行

崇禎三年九月初三日具

題本月初六日奉

聖旨河漕額需總三萬四千有奇依議將江北五府  
州縣輕齎益以應天一府扣留抵數其餘各省直  
盡數責管糧道臣七分解京三分隨帶以充撥



等費不許妄用至河漕二項歲計豈無贏餘著各  
該督臣悉心稽查接濟淮廠舡料爾部即將規例  
咨行欽此

覆總督倉場以晒揚米給軍疏

題爲聞警護漕謹陳防禦大畧并祈

勅下設法速運以重大計事雲南清吏司案呈八月  
二十四日奉本部送戶科抄出督治通鎮軍務  
兵部左侍郎范景文題前事等因崇禎三年八  
月二十三日奉

聖旨嚴催剝運已有屢旨范景文聞警設防知道了  
各軍就支月餉是否可行該部酌議具覆欽此又  
該總督倉場戶部尚書錢春題爲漕糧剝運

通再陳加速事宜以祈

聖斷事等因八月二十九日奉

聖旨覽奏報明壓袋設法速運具見卿勿欺任事  
軍赴通支糧兩月揆陳給新量酬餘米自當樂從  
但須先期明示設法疏分不致捱擠紛囂方于  
體人情兩便戶兵二部酌議行王忠孝着策勵供  
職欽此欽遵通抄到部送司該本司查得疏內所  
稱防護漕糧多發脚價添募車騾嚴催剝運及  
經兩督臣次第舉行無容擬議惟是京營軍

赴通支領月餉相應具覆案呈到部該臣等  
得年來因漕糧剝運之遲每至凍阻河干去  
甚費周折近蒙

皇上明旨催督定立

欽限臣與經管司屬餽總計慮欲求一挽遲爲速之  
法而不可得不意督臣范景文爲

國忠謀欲倣先臣于謙聞警之例令京營昌鎮諸  
軍丞詣通壩支米不特可以挽遲爲速抑且可  
杜意外之虞兼省脚價等費臣等一聞此議

甚疑之第欲令諸軍悉詣通壩支米先年  
而屢不決恐滋混冒之弊正躊躇議覆間而  
場督臣錢春之疏臚列

上陳矣臣等細閱所條議者通鎮督臣欲令京軍預  
支通壩糧米數月而倉場督臣則謂前後打  
欵限滿日漕糧所餘不過一二十萬石止可供京軍  
一月之放不必預支數月又云十月分月糧  
借通倉入厥新晒揚米以給各軍使無藉  
撥運河下米以實通倉而又議將餘米

升以酬其勞再令通軍河下照例關支是下  
通各軍毫無所損而十餘萬之京運可省數千  
金之腳價亦可省誠便計也但臣竊有說焉若  
以入厰晒揚之米頒給各軍則餘米三升若無  
從出未免虧損於官不若於進倉在國之米令  
京軍關支不惟無費且有所省蓋漕糧入倉原  
係正兌加二五改兌加一七例以一石作正數  
正兌尖耗一斗一升二合改兌尖耗八升二合  
餘作晒揚虧折之費今既免其晒揚即行支放

則正數及尖耗之外仍當存有餘米其給軍  
價三升即在餘米之內此外正兌仍存餘米一  
斗八合改兌仍存餘米五升八合內正兌免旗  
甲五升改兌免旗甲四升以抵虧折之費仍以  
正兌五升八合改兌一升八合作正支銷查今  
歲春月京倉支放凍糧已曾行此法矣又通倉  
每歲應放四月今春已放三月秋復放二月  
計兩年以來尚少放通倉一月所當姑俟異日  
者也至于折色一項舊例十月支放今那至十

一月亦無不可其昌鎮官軍月糧欲免支於  
子營亦屬妥便應設昌鎮餉司與通州空運  
酌議支放多寡之數隨便舉行者也既經通  
倉場兩督臣條議前來相應覆

請恭候

命下臣部行文各該衙門一體欽遵施行

崇禎三年九月初五日具

題本月初八日奉

聖旨據錢春奏以晒揚米給軍即加羨三升尚省



脚多金今議給在國或未盡乾寒朝廷何惜  
不令窮軍飽惠還再酌妥行其折色暫移次月  
鎮兌支另議知道了欽此

覆巡漕御史及漕儲道運事蚤竣疏

題爲徵臣僨運抵通特舉有功漕臣懇乞

聖明優異事雲南清吏司案呈八月二十五日奉本  
部送戶科抄出巡漕御史龔一程題前事奉

聖旨據奏周鼎督漕著勞護糧有功着該部查明優  
擢以示鼓勵欽此欽遵抄出到部送司查得漕儲

道周鼎督運漕糧宣力著勞三年如同一日奉

旨查明相應具覆以示鼓勵案呈到部該臣等看得

漕事之遲速非一日而積也一歲遲卽基進來

歲歲之遲今歲速卽基將來歲歲之速故有

而無惰則優異之併力而其功則並優異之矣

勞臣正以圖永利也漕臣龔一程與道臣周鼎

竭智殫忠共襄漕事者有成勞矣漕臣遜大美

而不居而一歸之鼎鼎與漕臣如左右手之相

爲不容二者也鼎鼎之勞庸非卽漕臣之勞乎惟

回空則敲冰堵水一先一後訖其之鼎鼎與漕臣

共也僨重運則溽暑炎蒸或舟或陸訖其之鼎鼎

與漕臣共也一復載則廢寢忘飧披星戴月靡

共之鼎與漕臣共也其江廣之行去而叱馭亦  
則衝風固道臣身命之不返願而漕臣魂夢亦  
與之俱矣至於去冬虜警之時漕臣城守而道  
臣護糧護糧之功與城守等耳夫漕輓之愆期  
也至客歲而尤甚識者方總總然憂之謂非數  
載調停不可轉遲爲速今上賴

天威之有赫下賴漕臣道臣之戮力頓令八千隻漕  
艘四百萬漕糧長途無阻七月畢達回空絕無  
守凍漕運每歲如期當自崇禎三年始矣漕臣

口不言勞而第以不敢蔽賢爲言推敬道臣其  
力量識度誠過人遠甚惟是功懋懋賞漕臣自  
不得居於道臣之後在龔一程亟宜分京卿一  
席地而周鼎亦宜破格優擢并以京卿界之想  
在

聖明自有鑒裁同功一體均示鼓舞斯亦  
王者磨礪一世之大權也既經漕臣陳

請前來奉有查明優異之

旨伏乞

勅下吏部酌議題復庶勞臣激勸益感發而思奮  
崇禎三年九月初七日具

題本月十四日奉

聖旨今歲漕事蚤竣龔一程勞動可嘉准酌議優擢  
周鼎已有前旨該部知道欽此

覆總漕部院蚤題監允疏

題爲漕事敝壞莫支振靡挽頽宜亟謹申舊章  
一得以破積習以禪

國計事雲南清吏司案呈八月初十日奉本部送  
戶科抄出總漕部院李待問題爲舊漕計日得  
完等事內條陳新運事宜并議早題監允緣緣  
奉

聖旨這條列諸款有裨新運着該部即與酌覆欽此  
欽遵抄出到部送司遵將早題漕差等各款呈

堂詳酌臚列具覆九月初三日奉

聖旨漕運原有限單祇因事不早計開兌一違諸務皆悞這新運事宜既經酌議着即推巡漕御史及監兌司官作速料理并咨各該衙門着實行欽此欽遵到部送司案查崇禎元年十二月內該巡倉御史宋師襄條議漕政七款隨奉

聖旨監兌官查係

祖制仍與題復以專責成欽此該本部查照節年推例斟酌時宜題復監兌以飭新運仍臚列五款



以補未盡事宜一曰酌定差員二曰申明  
三日兼催折色四曰崇重軍權五日滌除弊  
各等因題奉

聖旨監兌新復規條宜飭這條議各款俱係議仍  
爲功令畫一遵行預禪漕政以裕國計該衙門  
道欽此通行欽遵在卷今查崇禎四年起運三年  
分漕糧監兌官員相應題差案呈到部該臣  
看得監兌一差關係漕務當此漕事積弛絃  
初改非力爲振刷不能起敝維新非早爲

不能拋達爲速今擬監外之差正其弊也

本部山西司主事路文範雲南司主事吳  
州司主事陸卿正湖廣司主事傅啓光四  
各諳練勤敏堪以差委內傅啓光曾擬差河  
務鈔關今因本部乏人酌議改差分往浙江  
西湖廣蘇松常鎮各水次監究漕糧并督催  
項見徵帶徵起運錢糧其山東河南仍照舊  
併入德州臨清二倉主事就便管理一體行  
其應安等六府漕糧仍照舊例聽上江御

揚等四府漕糧聽兩淮巡鹽御史綜理至  
色錢糧在淮揚四府委淮安倉差應安等  
委九江關差各照例督催完報恭候

命下臣部行令各官查照後開地方各請

勅書一道分投前去速赴各該到地方會同各該  
按與巡鹽御史查照議單開載及節年題

准事理併新題五議先將該年分應兌正耗本折  
糧及輕齎銀兩運軍行月糧銀設法督催盡  
完報仍將已到地方開倉開兌開幫日期及

運各官賢否訪的確報部及該科查考  
衛有司怠玩悞遲及抗法撓阻應奏者會  
叅奏應拿問者徑自拏問其漕糧務期乾涸  
淨禁絕話會勒耗折乾等弊兌完之後即令  
期開幫尾押前進直至瓜儀過淮而止沿途  
點漕艘毋令裝載私貨仍各會同撫按嚴督  
屬州縣將一切金花

內供顏料蠟茶布絹等項并京邊舊餉稅糧  
正雜新餉錢糧逐一查明見徵者務要全

徵者限完二分已徵在官者星速起解已徵  
獲批單者嚴拘家屬監併完放侵欺花費者  
問叅奏變產抵補一年差滿通計完欠照例  
罰候接管官至日交代明白照限回京復

命聽本部考覈如寬縱正官止叅卑職塞責者聽  
部與科道指名查叅罰治又各官應用勘合  
咨兵部查給其差人齎奏火牌每年蘇松常  
江西湖廣浙江各給六面山東河南德州臨  
各給二面毋致冗役以絕奸弊至於江南係

視上江江北係兩淮巡鹽各御史兼管及  
巡鹽御史兼理兌務俱聽都察院具題請給  
勅諭其蘇松常鎮浙江江西湖廣山東河南巡按  
史各請監兌

勅書一道一切題奏事宜會同行事又各處起運  
邊錢糧完欠數目監兌官復

命查叅題抄到部照例候接差官年終將各州縣  
完續完未完各總計完及幾分以上磨算明  
開坐呈部以憑分別覆

請如有司勝臚捏報監兌綜覈未明或指少抵  
以欠作先者一體參治

計開

浙江監兌山西司主事路文範

江西監兌雲南司主事吳澄

湖廣監兌貴州司主事陸卿正

蘇松常鎮監兌湖廣司主事傅春光

崇禎三年九月初七日具

題本月初八日奉

題各省直借用輕齋銀兩疏

題爲遵

旨查明監兌司官事雲南清吏司案呈四月初十日  
奉本部送戶科抄出該本部題前事內查明  
監兌省直漕糧輕齋自天啓六年起至崇禎二  
年止歲總漕部院冊開各該省直扣除河工  
疴置袋等項及借用建造

府第宗祿金給運軍行月糧銀緣緣四月初八日

奉



至有違濫免輕齋已完徵欠查核既明始准免

嘉言候差回考覈其河工等項扣除借用的係何  
地何說都詳列具奏實在未完及起解在途銀兩  
還責成該衙門亟催來京以後違限依例叅處不  
得寬假欽此欽遵抄出到部送司隨即呈堂移咨

總漕部院亟查輕齋銀兩自天啓六年起至崇

禎元年止每年原額若干已解過若干實未

若干就中扣除河工等項係何處支用其借用

銀兩有無奉文作何補還希速查明詳開

仍分別省直的確完欠數目造冊過部以便回  
奏去後今准總漕部院咨覆內稱本部院分行江  
廣浙直各布政司糧道監兌分司等官嚴督州  
縣各官將節年逋欠輕齎銀一面火速完解又  
經差官分投守催續完過數目造冊前來該本  
部院覆行淮安府查照歷年原額銀數彙造清  
冊除各州縣有司欠銀分數經徵職名候查覈  
明白另疏題叅并備造細冊開送外其扣除河  
工等項又經行撫淮安府備細查明回報該本

部院查得河工車盤二項例于輕齋內它扣  
河道項下挑河築隄之用每年銷筭

奏繳皆總河部院爲政其船料旱脚係供修造漕  
舡之用每年同漕庫錢糧委官查盤係本部院  
與按院具題總之載在議單歷有成案可稽繳  
毫無容遺錯至于借動輕齋一項如本部院向  
借援兵衣甲銀七千餘兩隨于捐助內設處補  
還全完起解訖又湖廣備放宗祿銀七千一百  
四兩零建造

府第借動銀八千四百四十五兩零募紅水脚

五千二百二十八兩零江西借放宗祿銀二

九千七百六十八兩零浙江借動援兵銀二

兩安慶府借動官軍行月糧銀二千八百餘

本部院屢次行催止據湖廣補還宗祿銀二

一百一十兩零補還水脚銀五千二百二十

兩零江西補還宗祿銀四百二兩零安慶府

還官軍行月糧銀二千八百餘兩解作銅價

餘者猶屬虛懸祈貴部嚴加責成司道官勒

查參庶各省知所儆惕圖完補不參  
局之日也所有河工旱脚等項緣繇已經備  
淮安府逐項開造清冊登答前來該本部院  
覈明白咨煩查照等因到部送司案查本年  
月內該本部題奉前

旨內除監允王嘉言回部考覈降級外至實在未  
及起解在途銀兩即咨總漕部院亟催起解  
疏題覆其河工等項扣除借用的係何地何  
者今准咨覆前因咨應遵

首具奏案呈到部該臣等看得錢糧各有項款  
自有常經故有一項之解必有一項之需合  
河工例出浙江湖廣江西應天池太寧國蘇  
常鎮廬鳳淮揚徐州等處每年例應照依正  
漕糧數目每石扣銀一分共該河工銀二萬  
千五十一兩五錢七分七釐又江浙二省輕  
銀內扣車盤銀一千兩應聽總河河道項下  
堤修河支用杭嘉湖三府輕齋銀內扣舡料  
脚銀七千四百九十三兩三錢八分九釐

蘇州漕運項下修造漕船支用其餘

齋正項例應解京支銷即有那借隨當補

查總漕部院借發援兵衣甲銀七千餘兩

捐助銀兩內如數補還安慶府借給官軍行

糧銀二千八百餘兩近已補還解作銅價湖

因募船水脚借銀五千二百二十八兩零亦

數補還訖惟湖廣建造

府第借動銀八千四百四十五兩零併借放宗

銀七千一百四兩零內止補還過宗祿銀

一百一十兩零尚共有未補還銀一萬三千  
百三十九兩零江西借放宗祿銀二萬九千  
百六十八兩零內止還補過銀四百二兩零  
江借動援兵銀一千兩以上未曾補還輕齎  
兩雖經總漕查明催補寔係該省那借未完  
數若不設法督催定以限期愈緩愈久終將  
成烏有合無將前那借銀兩勒限該省司道  
于本年十一月內照數解進仍行具奏以復  
查之



明旨蓋以漕輓維正之供難充省直難項之

西補法所不載勒限補還無容久假庶幾

楚而

國計漸裕矣既經總漕部臣李待問移咨前來  
應具題恭候

命下臣部行文各該衙門一體欽遵施行

崇禎三年九月初十日具題本月十四日

聖旨這三省借用輕齎銀兩着該撫按嚴行

限解進違玩的部科察

覆巡漕御史薦撫按糧道有司疏

題爲僨運糧儲事雲南清吏司案呈八月二十

日奉本部送戶科抄出巡漕御史龔一程題

事八月二十三日奉

聖旨運事既竣撫按糧道有司各官前奉旨戴罪降

級管事的都著該部查明確議奏奪吳時亮史應

選一併酌覆曹文衡陸完學王道直李柄急公著

勞知道了該部知道欽此欽遵抄出到部送司查

得巡漕御史龔一程彙題各疏除白糧起運

久部運停誤異常謹據實糾劾一事係

職掌該司以白糧未經報完到部應俟完日

題外其關係漕運者該本司案查得崇禎三

二月內該巡漕御史龔一程題爲糧運期限

迫有司怠玩不前等事內糾叅濱州知州張

德長山知縣馬斯臧齊東知縣胡靖共鄒平

縣武用賢遲悞緣繇奉

聖旨都著戴罪速運事完議奏欽此又三月內

漕李待問題爲糾劾遲悞有司以速新運

糾叅獲嘉縣知縣梁應奎新鄉縣知縣王惟道  
盧氏縣知縣蔡可陞奉

聖旨各降三級戴罪督催完日奏奪欽此又該總漕  
李待問題爲漕限日迫漕道江廣之催勢難容  
已等事奉

聖旨漕道總轄省直何獨江廣必待親催這兩省漕  
按糧道官玩視運務都著戴罪償允把總王化行  
姑着戴罪督發欽此又四月內該總漕李待問題  
爲江南淮限已逾直糾溺職刑官等事內糾

推官王瑞旃運弁郭興臣戴國鳳李六清

秀奉

聖旨王瑞旃姑准戴罪管事僭運速完另奏定奪  
旃臣等都著戴罪領運欽此又五月內該總漕  
待問題爲摘叅悞漕有司以速兌運事內摘  
松江推官徐日曦上海知縣熊經旌德知縣  
昌祚常熟知縣楊旃熙奉

聖旨徐日曦賴昌祚著俱戴罪僭漕事完另奏欽此  
又該巡漕御史龔一程題爲水次無米逼催

兌等事奉

聖旨熊經玩悞漕規姑著降俸一級并楊昇熙俱  
罪督催完日另奏江廣糧道前已有旨今浙江  
也著戴罪候奪欽此又該山東糧道胡一龍奏  
遵

旨回話事奉

聖旨胡一龍姑著戴罪僭運完日一併考核欽此又  
該總漕李待問題爲浙糧淮限已迫浙米未  
儘多等事內劾糧道詹應鵬推官郭必昌楊

且胡守恒奉

聖旨詹應鵬前已有旨郭必昌等都著戴罪督兌  
經楊泰初俱有旨了該撫按官務各勒限嚴催  
日另奏欽此又該本部題爲恭報漕糧已開幫  
三千七百餘隻等事題覆熊經楊昇熙賴昌  
徐日曦韓上桂朱濟之王瑞旃各降二級通  
漕糧過淮過濟果無悞事而後代題復職奉  
聖旨是欽此六月內該總督倉場尚書孫居相題  
吳浙糧艘報過淮洪有數報過臨濟無多

奉

聖旨湖廣未報兌發該撫按糧道所司何事已各  
旨戴罪姑著各降一級管事呈刻償運完日議  
欽此七月內該本部題爲特料快運有司以  
漕運事題覆署廬陵縣事照磨管九功上高知  
縣費彥芳各降三級另用奉

聖旨俱依擬欽此又該本部題爲直隸漕運官員以  
信

明旨等事題覆知縣賴昌祚改降三級詹文秀俟



運奏奪奉

聖旨是賴昌祚降三級另用詹文秀運完奏奪欽  
又該本部題爲謹陳水邑災荒之慘有司運  
折乾之弊等事題覆推官徐日曦知縣熊經  
降三級改用奉

聖旨徐日曦倡議折兌幾案漕規着降五級熊經  
管仍誤本當同罰念新任已買米補完姑着降  
級照舊管事欽此案通行欽遵外今該巡漕備  
龔一程彙題前來內除張文德馬斯斌先該

部題爲遵

旨回奏事奉

聖旨張文德馬斯斌既以劣狀被叅違限益徵玩  
着革了職爲民欽此又查獲嘉知縣梁應奎已  
問究罪著廬陵縣事照磨管九功上高知縣  
彥芳旌德知縣賴昌祚各降三級另用徐日  
降五級查非竣事

請奪之列俱合免議其餘撫按糧道有司各官相  
具覆案呈到部該臣等看得年來漕運愆期

跡人情積玩故振情起寐無過於謀功

已頃

皇上憂勞軍

國于省直漕糧尤厘

宵旰以故在漕官員有稍不用命者白簡所及無  
立加明罰一時中外諸臣仰凜

天威率竭履自効今歲通漕尾幫已於七月未旬  
過津門挽十餘年沉積之弊從此漕運可復  
限之舊者悉今歲償運之力也是皆漕臣

程與總漕李待問仰藉

皇上寵靈不避勞怨晝夜督催庶幾得以仰慰

聖懷惟是降級戴罪罰俸諸臣如梁應奎逮問寃罪  
知州張文德知縣馬斯臧俱革職爲民推官徐  
日曦知縣賴昌祚費彥芳署知縣事照磨管允  
功降級另用者無容再議外其餘各官手口交  
作水陸拮据原俱奉有糧完奏奪之

旨茲又荷

明綸着臣部查明議奏

王言炳煥明示以蓋愆補過嘉與維新臣等敢不

體

聖衷確爲酌議如江西撫臣魏照乘按臣葉成章  
道臣黃應秀浙江道臣詹應鵬山東道臣胡  
龍同知羅賓王推官郭必昌楊希且胡守恒  
俱戴罪者今策勵已久或准與

賜免以示創於前而勸於後又如湖廣撫臣洪如鍾

按臣黃宗昌糧道臣劉永祚通判楊泰初推官

王瑞旃知縣楊昝熙王惟貞蔡可陸熊經胡

共武用賢署縣事照磨韓上桂教諭朱濟之等  
俱降級者知府方岳貢史應選先俱罰俸者今  
省過日多或准與開復以示寬其舊而作之新  
庶功罪攸當而諸臣有不感激自奮者非人情  
矣至於常鎮道吳時亮雖奉

旨戴罪然與知府史應選嘔心兌運努力督催而時  
亮不顧家難尾押四府船糧星夜就道抵關方  
回二臣勞績似當併爲叙錄以示鼓舞然非臣  
等所敢必也其應天撫臣曹文衡按臣王道直

浙江撫臣陸完學按臣李柄俱殫心漕事躬親督率俾糧艘得以遄行速屆其勞亦未可湮沒  
茶蒙

聖恩鑒察自有旌揚又無庸臣等再贅矣既經巡漕具題該司察呈前來相應覆

請恭候

命下臣部行文各該衙門一體欽遵施行

崇禎三年九月十一日具

本月十九日奉

聖旨誤漕重處茶經

屢旨申飭今須通查違限久

擇其尤者以信前

旨做後來該部如何稟從爾

好生曲糶還着確

議另奏欽此



覆總督倉場速放通糧給新加耗疏

題爲聞警護漕謹陳防禦大畧并祈

勅下設法速運以重大計事雲南清吏司案呈九月初十日奉本部送戶科抄出該本部題前事等因本月初八日奉

聖旨據錢春奏以晒揚米給軍卽加羨三升尚省軍脚多金今議給在囤或未盡乾潔朝廷何惜餘米不令窮軍飽惠還再酌安行其折色暫移次月昌鎮兌支另議知道了欽此欽遵抄出到部又該兵

部咨爲漕糧剝運漸通等事內稱給放軍糧扶  
陳給新那支本折挽遲爲速皆係戶部事旣奉  
有戶兵二部酌議行之

旨相應移會煩照

明旨內事理卽速移會倉場總督先期設法曉諭務  
使軍心樂從糧不後期卽爲妥便等因通送到  
司案呈到部該臣等看得軍興以來支應浩繁  
倉庾匱乏臣部於凡可節縮者靡不竭盡心力  
爲

皇上留有餘以備不虞故臣等題覆倉場督臣錢春  
通鎮督臣范景文等條議令京軍赴通支米可  
省數千金腳價而脚米三升取諸晒揚虧折之  
內又可省數千石耗米無非爲節省一分則備  
一分之用耳今

皇上軫念窮軍之苦而以在圍之米尚慮或未乾潔  
加羨三升

朝廷無吝

明旨一頒頓令京營官軍踴躍歡呼無一不感

皇上浩蕩之恩含鼓之澤而臣真自媿其并蛙之類  
見矣謹悉如倉場督臣之議十月月糧將通倉  
入厰新晒場米按數支放其脚米三升仍取給  
該倉餘米之內以仰體

皇上恤軍至意除一面移文各該衙門令其先期設  
法曉諭遵行外相應覆

請恭候

命下臣部欽遵施行

崇禎二年九月十一日具

題本月十四日奉

聖旨營軍赴通支糧給新加耗

如議行欽此

覆二年輕齋完數并糾怠玩有司疏

題爲恭報崇禎二年輕齋完數并糾怠玩有司

昭勸懲事雲南清吏司案呈八月十四日奉

部送戶科抄出總漕部臣李待問題前事內

稽查崇禎二年分輕齋銀兩完欠緣繇八月初

十日奉

聖旨輕齋急需安汝盤如何全欠不解著從重議處  
餘分別具奏該部知道欽此又奉本部送該巡撫

御史龔一程題同前事等因八月二十三

聖旨這通漕輕齋未完止二千有餘委宜分

安汝盤已有旨了文廷望等着該部酌議具奏

此欽遵抄出到部送司查得總漕冊開崇禎

年之銀於崇禎三年起解之數該額銀四十

萬三千五百六十二兩零內完解過輕齋銀

十一萬五千四百二十九兩九錢零又各府

縣奉文動置口袋五千四百一十一兩九錢

又經給運官折蓆銀六百一十一兩二錢通

完過銀四十二萬一千四百五十三兩零內

解納太倉銀三十一萬四千六百七十餘兩  
項置袋銀五千四百一十餘兩給過折騰銀  
百一十一兩零原係奉文動支應准作全完  
總漕總河應扣河工車盤船料旱脚銀三萬  
千五百四十餘兩及已報完解未到銀六萬  
千二百一十餘兩內江西未到銀三千八百  
兩湖廣未到銀七千四百餘兩浙江未到銀  
萬六百餘兩應天府未到銀五千六百餘兩  
州府未到銀四萬七千餘兩常州府未到銀



千餘兩鎮江府未到銀三千餘兩

銀五千二百餘兩勒令督催星速馳解今除

完州縣不開外未完銀三千一百九兩零係

廣巴陵縣及應天府句容縣江寧縣溧陽縣

合縣相應分別具奏案呈到部該臣等看得

齋銀兩關係漕運急需其完欠之數與賞罰

典委宜分別振刷用示勸懲今查總漕部臣

待問會同廷漕御史釀一程稽核疏冊內通

已完銀四十二萬一千四百餘兩止存未完

二千一百九兩零內係應天府六合縣知縣  
如葵欠銀三兩溧陽縣知縣丁聖時欠銀七  
四兩九錢零江寧縣知縣鄭九炯欠銀一百  
十七兩二錢零句容縣知縣文廷望欠銀三百  
八十兩四錢以上各官除葵如葵所欠甚少勒  
令全完免其叅罰外其丁聖時鄭九炯文廷望  
未完一分上下量擬罰俸半年勒令通完湖廣  
巴陵縣知縣安汝盤欠銀一千五百三十四兩  
未完十分是爲全欠法應重懲今姑擬降職

級勒限速解如至年終不完即行革職爲  
做積玩者也其已經起解而尚未到部者仍  
移文督催勒令速至臣惟輕齎銀兩每歲四  
餘萬不爲不多催徵省直遼廓數千餘里不  
不遠若非總漕巡漕二臣李待問龔一程  
設法挈領提綱何孫克濟又非各糧道王公  
夏時亨胡一龍胡爾德詹應鵬劉永祚黃應  
吳時亮極力調停犁然就理即各有司安能  
將若此斯其勞績顯著均宜照例紀錄以爲

臣之勘庶賞罰明而

功令肅矣既經總漕巡漕會題前來相應覆

請恭候

命下臣部行文各該衙門一體欽遵施行

崇禎三年九月十二日具

題本月十五日奉

聖旨據奏二年輕齋完欠分數丁聖時鄭九炯文廷  
望名罰俸半年仍勒限償完銀未解及解未到的  
着行速催李待問龔一程併王公弼等准與紀錄

安女盤已經奉旨革職爲民如何尚擬降級該司  
官姑不究其巴陵未完銀兩着接管官嚴催速解  
該衙門知道欽此

覆監允高鏘條陳漕事疏

題爲漕事積弊難返任事須要擔當謹陳未盡事  
宜以聽

聖裁以重

國計以速漕務事雲南清吏司案呈八月二十三  
日奉本部送戶科抄出江西監允福建清吏司  
今降級員外郎高鏘題前事八月十八日奉

聖旨這條陳漕事諸款戶部酌議行欽此欽遵抄出  
到部送司案呈到部該臣等看得漕運規條須

設於議單者何事不精詳倘能一一遵循則  
世行之可也奈何法久弊生民病因之病  
國而漕事蠹藪至不可言邇蒙

皇上憂深軍

一國明罰勅法漕事弊病業已霍然起色乃部臣高  
鏞尚懇切條畫者蓋欲籍

皇上威靈立返

祖宗之舊規洗積年之陋耳臣請于所議各款而遂  
項借著焉一日印官之交允宜親夫州縣糧官

皆貪鄙小吏印官憚於跋涉而轉託之若輩則  
狐鼠通同而需索挿和所不免矣故必責成印  
官親往交兌而種種諸弊害斯可已倘仍前偷  
惰者聽監兌以白簡隨之而情面弗徇可也一  
曰糧官之攬權宜禁夫惟印官不親開徵以致  
糧官得索常例既得常例則糧官之欲已饜而  
米能乾潔入倉者鮮矣故必使常例盡絕而後  
收糧如法又必取徵完甘結以定後日罪案庶  
糧官有所忌憚而不至恣爲濡染私受苞苴也



一曰交兌之結狀宜先夫州縣糧官既具其結於印官矣但官卑職小或不自愛暴者亦容有之其稽查防範仍須有所寄故必取州縣印官與盤驗推官本府糧官不扶甘結至開倉而糧米或有短少濕熱之事撫按監兌即以扶同議之而各官俱難辭其責乎一曰運官之遴選宜公夫領運糧米全藉運官而不肖漁利者多鑽求承運以稽悞漕事極爲病根謂宜遵照議單嚴加遴選務擇廉慎者任之或仍以不肖克用

事壞之日并及選用之官庶遴選當而運弁無復敗群者矣一曰旗甲之影射宜禁夫僉選旗甲務以殷實正身爲主議單條列甚明乃奸猾者百計躲閃而令無藉及外水頭名領運以致盜米棄船往往見告今令本管官與本伍降佑互相保結一船脫逃各船同罪而且究及清軍之官則旗甲無盜逃之弊矣一曰押運之事權宜重江廣押運俱有通判各船自水次開計經縣各處地方責令通判務五日一報該省督糧

道轉報總漕巡漕二臣如有逾限稽延即將領  
運官旗重加究處庶夾帶潛消而運船自速矣  
一曰轉厥之米宜清水次各船領兌糧米俱應  
照數完運乃船不足而曰轉厥曰寄回無非大  
家乾沒之計部臣高鏞之覺察贛州衙馮懋卿  
乃其明証也今後有此等弊監兌即嚴行題叅  
糧道即盡法查究而毋致借虛名以耗

國儲可耳一曰棄船之運官當懲窮軍領運船糧  
既被運官剋剝而又無所賠償求免羈絆勢必

棄逃此實運官作之祟也今後旗軍脫逃即懲  
究該管官何以致逃之故庶運官知有所懲而  
不敢爲腴削矣一曰減存之船宜早修夫舊船  
留修以待新運蓋欲預備堅緻無悞來年之事  
奈何領銀入手仍棄河干與勿減存者同耳及  
至臨期修船多不如法沉漏之害何可再踵今  
後應修減存船隻務責及時修船必期堅固如  
仍前棄置者官軍一體查究庶船糧有裨矣一  
曰回空之船宜急修蓋漕船卸重回空往返江

河經歷險阻拆裂必不能免回裝新運必須上

緊修補方克有濟謂宜責令撫按委官早辦工

料隨到隨修開兌既不乏船新運自無愆悞矣

一曰限滿之老船宜禁運船年久改造各有定

規惟江廣船用楓樟易於拆爛而又經歷長江

風濤險惡卽萬分堅緻尚有他虞而以限滿老

憊者當之能保無損壞乎但議單內載楠木船

九年雜木船七年改造業難再更惟責令造船

官旗務如式堅固若不及年分而摧壞者照單

例恭罰庶沉沒之患鮮矣一日掛欠之逋旗宜懲夫旗軍領運漕糧顆粒皆民膏軍儲乃汗旗折乾盜竄米數短少或中途破船或抵通掉臂貽累運官苦不可言今後漕糧抵通果係旗軍掛欠即令運官蚤爲聲說追比如潛逋者速行撫按提解盡法追比變產完糧庶旗軍知有三尺而盜逋者鮮矣一日拖欠之錢糧宜清夫輕齎銀兩隨漕起解原不容分毫拖欠乃或那克宗祿或州縣積逋亟宜徹底清查各歸正項那

移者問之藩司逋欠者責之州縣責監兌部臣  
悉力行之一繩以法而拖欠之弊自消矣以上  
諸款或議單所已載者不嫌再爲申明或議單  
所未及者不妨因時裁酌總之議不虛談法在  
必行此又在監兌部臣破積習而任勞怨其於  
漕運或庶幾乎既經監兌部臣具題前來相應  
覆

請恭候

命下臣部行文各該衙門一體欽遵施行

崇禎三年九月十六日具

題本月二十三日奉

聖旨這漕運各款既經覆酌依議着各監兌司官飭  
行務清沿獎以肅漕規欽此